



## Publicaziuns officialas dils 03-03-2017

---

### Damonda da baghegiar

Nr. 13/2017

Datum da publicaziun: 03-03-2017

Patrun: Candinas Murezi, 7173 Surrein

Liug e parcella: Fontanatscha; 2514

Object: nova finiastra ed engrondaziun digl esch clavau, construcziun d'ina scala avon tegia, dus novs canasters da crappa, nova lingia per aua da tetg dalla tegia ed ulivaziun da terren

Ils profils ein tschentai ed ils plans da construcziun ein deponi tier la canzlia communal. L'investa publica cuozza 20 dis dapi il datum da publicaziun.

Eventualas protestas encunter sura damonda da baghegiar ein d'inoltrar alla cumissiun da baghegiar Sumvitg enteifer 20 dis dapi il datum da publicaziun.

Sumvitg, 03-03-2017

Cumissiun da baghegiar

### Uffeci civil Surselva

#### Naschientscha

**Schnoz Flurin Mattiu**, naschius ils 20-02-2017 a Glion, affon da David e Manuela Schnoz, sesents a Rabius.

Sumvitg, 03-03-2017

*Controlla da habitonts*

### Serrada via Val Sumvitg

Ord motivs da segirtad resta la via Val Sumvitg serrada naven d'immediat sil tschancun da Val anen per tut traffic.

Sumvitg, 03-03-2017

Departament stradal

## **Preavis dalla sanaziun dalla via cantunala Sumvitg–Sogn Benedetg/Clavadi e restricziuns da traffic**

**Tschancun Quadras Su,**

**(entrada scola–sbuccada via Sum il Vitg)**

Muort lavurs da construcziun sto la via vegnir serrada per scadin traffic cun vehichel sco suonda:

**Naven dils 24 d'avrel entochen ils 23 da zercladur 2017** mintgamai gliendisdis entochen venderdis dallas 7.00 entochen allas 18.30

In'untgida dil traffic ei signalisada sur la via da meglieraziun Unclin. La limita da peisa sur l'untgida Unclin munta 3,5 tonnas.

Per pedunzs e velocipedists ei in passadi sur il plazzal garantius da tut temps.

Per damondas san ins sevolver tier il responsabel digl uffeci da construcziun bassa dil cantun, P. Cavegn, 079 334 74 14, ni tier il genau da baghegiar dalla vischnaunca da Sumvitg G. Bearth 076 456 90 97.

Nus engraziein per vossa capientscha e salidein.

*Departament da baghegiar vischnaunca Sumvitg*

*Giusep Bearth*

*Uffeci da construcziun bassa dil Grischun, Pius Cavegn*

## **Serrada dalla via da Surrein – tschancun Giachentrina**

Igl uffeci cantunal da construcziun bassa cuntinuescha las lavurs da sanaziun dalla via atras il vitg da Surrein. L'interpresa Beer SA preveda d'entscheiver cun las lavurs da Giachentrina entochen tier la caplutta da S. Clau a Reits, naven da gliendisdis ils 20 da mars 2017. Muort la stretga a Giachentrina (profil 520–560, scrinaria Robert Bundi) sto quei tschancun vegnir serraus per scadin traffic naven da **gliendisdis, ils 27 da mars 2017 naven dallas 7.00 entochen venderdis, ils 7 d'avrel 2017 allas 17.00.** (la fin d'jamna dils 1 e 2 d'avrel resta la via aviarta). Ina untgida ei pusseivla sur Cumpadials–Sumvitg ni sur Rabius–Sumvitg. Per ulteriur sclariment san ins sevolver tier il responsabel digl uffeci da construcziun bassa dil cantun ni tier il genau da baghegiar dalla vischnaunca da Sumvitg:

Pius Cavegn, telefonin 079 334 74 14

Giusep Bearth, telefonin 076 456 90 97

Nus engraziein per Vossa capientscha e salidein.

*Departament da baghegiar dalla vischnaunca da Sumvitg*

*Giusep Bearth*

*Uffeci da construcziun bassa dil Grischun, district 6*

*Pius Cavegn*

## **Pleiv Sumvitg**

### **Preavis**

Nus prendein si in usit derasau da pli baul ed envidein tut tgi che ha plascher da far cun nus il pelegrinadi a Ziteil cun accumpignament da pader Clau Lombriser e sur Benny. Quel fagein nus ils **28 e 29 da fenadur 2017** e dein a vus duas variantas:

### **Varianta 1: venderdis e sonda**

Partenza venderdis entuorn miezdi, star sur notg a Ziteil, devoziun e program special dalla sera cun pader Clau. La sonda retscheiver ils ulteriurs pelegrins, s. messa allas 11.00.

### **Varianta 2: sonda**

Partenza la damaun marvegl, s. messa allas 11.00 a Ziteil Per tals che pon buc ir a pei vegn organisau in transport cun auto la sonda. Informaziuns specialas anfleis vus sut [www.ziteil.org](http://www.ziteil.org). Per voss'annunzia e cun informaziuns detagliadas s'annunziein nus el decuors dalla primavera. Nus selegrein da vossa participaziun e salidein amicablamein *il cussegl pastoral, pader Clau e sur Benny*

### **Uniun samaritana Sumvitg-Trun**

Nies secund exercezi tecnic ha liug **mardis, ils 7 da mars 2017** allas 20.00 a Trun. Bugen beneventein nus era ulteriur/as interessent/as da vegnir a fuffergnar tier nies exercezi.

Cordials salids *la suprastonza*

### **Far caltschiel**

Nus s'entupein **venderdis, ils 3 da mars 2017**, naven dallas 13.30 tier Hedy Mathiuet a Surrein per far caltschiel. Sin in bi suentermiezdi da cuminonza. *Uniuns da dunnas*

*vischnaunca Sumvitg*

### **Meisa da miezdi (gentar communabel) dalla Pro Senectute a Cumpadials**

Pro Senectute Surselva organisescha ensemen cun Nadja Scolieri ell'«Ustria dalla Staziun» a Cumpadials ina meisa da miezdi (gentar communabel) inagada per meins, mintgamai il venderdis. Intent dalla meisa da miezdi duei esser da promover la cuminonza ella vischnaunca da Sumvitg e contuorn denter las personas ella vegliadetgna dalla pensiun. Plinavon dat ei la pusseivladad d'embellir quella occasiun cun star il suentermiezdi da cumpignia e dar in scart troccas ni auters giugs.

Liug: «Ustria dalla Staziun», 7176 Cumpadials

Datum: **venderdis, ils 10 da mars 2017 allas 12.00**

Prezi: 18 francs per persona cumpriu gentar cun dessert e caffè.

Annunzias: Ein da far entochen gievgia sera tier «Ustria dalla Staziun», Cumpadials, tel. 081 943 19 22.

### **Casa s. Martin a Trun**

La Casa s. Martin a Trun envida parents ed enconuschents da nos cussadents, vischinas e vischins da lunsch e da maneivel all' usitada stiva da caffè. Ina vasta elecziun da bunas pettas ed autras bunas caussas ei garantida. Quei **dumengia, ils 12 da mars 2017**, naven dallas 14.00–17.00. Vossa viseta fagess plascher a cussadents e persunal. Cordial envida *meinacasa e persunal*